

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj : 32 0 St 477506 25 St
Tuzla, 26.02.2025. godine

Općinski sud u Tuzli, stečajni sudija Vedran Milašinović, u postupku prethodnog ispitivanja prijedloga za otvaranje stečajnog postupka nad dužnikom Društvo sa ograničenom odgovornošću za proizvodnju, promet i usluge „DIFI“ Doboj Istok, Stanić rijeka b.b., dana 26.02.2025. godine donio je sljedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva Društvo sa ograničenom odgovornošću za proizvodnju, promet i usluge „DIFI“ Doboj Istok, Stanić rijeka b.b.

Za privremenog stečajnog upravnika imenuje Emir Mehurić iz Gračanice, ul. Branilaca Kule grada b.b.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez

odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gračanica i Službi za geodetske i imovinsko-pravne poslove Općine Doboje Istok, radi upisa zabilježbe otvaranja prethodnog postupka.

Obrazloženje

Društvo sa ograničenom odgovornošću za proizvodnju, promet i usluge „DIFI“ Doboje Istok, Stanić rijeka b.b., kao dužnik podnio je dana 14.01.2025. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagача u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 18.02.2025. godine, naložio je predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagач je dana 25.02.2025. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to; rješenje upisa društva u sudski registar od 24.08.2000. godine, rješenje kojim se odbija prijedlog za likvidaciju društva od 29.11.2024. godine, uvjerenje PU F BiH KPU Tuzla PI Doboje Istok od 10.12.2024. godine, uvjerenje o poreznoj registraciji od 30.12.2002. godine, obavještenje o razvrstavanju pravnog lica prema djelatnosti od 30.12.2002. godine, potvrda NLB banke dd Sarajevo od 10.03.2023. godine, bilans stanja na dan 31.12.2004. godine, bilans uspjeha za period 01.01.-31.12.2004. godine, bilans stanja na dan 30.06.2005. godine, bilans uspjeha za period od 01.01.-31.12.2005. godine, izvještaj o gotovinskim tokovima od 01.01.-30.06.2005. godine, posebni podaci o plaćama i broju zaposlenih uz godišnji-polugodišnji obračun za period 01.01.-30.06.2005. godine, izvještaj o promjenama u kapitalu od 02.08.2005. godine, izvještaj o obračunatom i uplaćenom posebnom porezu za zaštitu od prirodnih i drugih nesreća od 02.08.2005. godine i uplate predujma od 3.000,00 KM, predlagач je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 18.02.2025. godine, punomoćnik izjavi da su računi društva ugašeni. Društvo nema pokretne imovine kao i nepokretne niti druge imovine. Prema radnicima nema obaveza. Društvo ima obaveza prema PU F BiH, a nema obaveza prema trećim licima. Firma je u suštini bila jedna mala trgovinska radnja i u tom periodu je osnovao u formi d.o.o. jer su bili niži doprinosi nego za obrt i kada je oko 2005. godine prestalo sa obavljanjem djelatnosti nije imao sredstava da je i pravno zatvori, tako da se sav dug prema PU F BiH odnosi na doprinose za direktora i kamate na navedene iznose.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijeća u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagача sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.